

Akilerarusiinermik aalajangiisartut aalajangiinerat

Ilisarnaat:	2016-118141
Ulloq aalajangiiffik:	27. april 2017
Aalajangiineq saqqummiunneqarpoq:	
Ukioq aningaasarsiorfik:	2015
Suliaq:	Akileraarutit
Suliamut oqaasertaq:	Pisortanit ikiorsiissutit (pisariaqavissuinnarnut ikiorsiissutit)

Eqikkaaneq

Naammagittaalliuuteqarnermi pineqarpoq pisortanit ikiorsiissutit akileraaruserneqarnerat (pisariaqavissuinnarnut ikiorsiissutit)

Suliami tunngavippiaasut

Akileraarnermut Aqutsisoqarfiup naammagittaalliuuteqartup 2015-imi isertitanit akileraaruteqaataasussanit isertitai kr. 17.712-nik qaffariaateqartissimavai, kommunep naammagittaalliuuteqartumut pisortanit ikiorsiissuteqarsimaneranik nalunaarutaa tunngavigalugu.

Tamatuma kingorna ukiumut aningaasarsiorffiusumut naatsorsuutininik inaarinnittoqarpoq akileraarutissat sinnerinik kr. 5.199-inik kinguneqartumik.

Akilerarusiinissamut naatsorsuusiat

Isertitat akileraaruteqaataasussat	kr. 64.376	
- inummut ilanngaat		kr. 48.000
Skala malillugu aningaasarsiat (100-nut qaninnernut akunnaallisakkat)	kr. 16.300	
Aningaasarsianit akileraarutit (nuna tamakk.) 10% + 28% (komm.)		
+ 6% (ataatsimoorussa)= 16.300-p 44%-ia	kr. 7.172	
-pisariaqavissuinnarnut ikiorsiissutinut tunngatillugu appartitsineq	kr. 1.973	
Akileraarutissaviit		kr. 5.199
Akilerarusiigallarneq		
Akileraarutaagallarsimasut akilerneqarsimasut		
Siumoortumik tigusimasai kr. 9.325		
Akileraarutit A-t kr. 9.325		
Akileraarutaagallartoq		kr. 0
Akileraarutissat sinneri		kr. 5.199

Naammagittaalliuuteqartoq siusinnerusukkut qinnuteqaateqarsimagaluarpoq akileraaruteqaataasussat kr. 46.664-it tunngavigalugit utertoortissaminik siumoortumik tigusaqarumalluni, pisortanit ikiorsiissutit

isertitanut ilaangimmata. Naammagittaalliuuteqartup akileraarutaagallarsimasut akilersimasani tamaasa tigusimavai, Akileraartarnermulli Aqutsisoqarfiup akileraarutaasussat qaffatsimmagit utertitsinissaanik piuffigineqarsimavoq, tassa akileraarutissat naatsorsorneqarnerisa kingunerimmassuk akileraarutissat kr. 5.199 –inik sinneqartut.

Akileraarutissat naatsorsornerini akileraarutissatut naatsorsorneqartumi naammagittaalliuuteqartoq kr. 1.973 -inik appartitsivigineqassasoq akuerineqarpoq. Taannaavoq akileraarusiinissamut naatsorsuusiarineqartunut allanut naleqqiulluni pisortat ikiorsiissutaannut kr. 17.712-inut pisortanit ikiorsiissutitut naammagittaalliuuteqartup pissarsiarisimasaanit akileraarutaasusaaq:

$$(Kr. 7.172/kr. 64.376) \times 17.712 = kr. 1.973$$

Naammagittaalliuuteqartup paasinninnera

Naammagittaalliuuteqartoq isumaqarpoq, Akileraartarnermut Inatsimmi § 72 tunngavigalugu pisortanit ikiorsiissutit akileraaruserneqarneq ajortut, taamaattumillu isertitanut akileraaruteqaataasussanut ilanngunneqartussaangitsut.

Inatsisit malittarisassaannut inatsisillu atorineqarnerinut innersuussinerit

Isertitat akileraaruserneqartussat tassaapput ukiumi isertitat tamarmiusut, tassa isertitat ilaat akileraartarnermut inatsisit tunngavigalugit akileraarutaassanngitsutut aalajangiivigineqarsimanngippata.

Aningaasat pisortanit ikiorsiissutit akileraarusigassaangitsutut aalajangiivigineqarsimanngitsut, isertitatut akileraarusigassatut naatsorsuutigineqartarput.

Akileraarutissatulli naatsorsorneqartoq akileraarutissat tamarmiusut aningaasarsiat taakkua akileraarutitaannut naapertuuttumik annertussusilinnik appaartinneqartarpoq, tak. Aningaasarsianit akileraarutit pillugit Inatsisartut Inatsisaanni nr. 12, 2. november 2006-imeersumi §§-it 34, nr. 10 aamma 72.

§ 72. Inuk § 1 naapertorlugu akileraartussaataasooq pisariaqavissuinnarnut ikiorsiissutinik imaluunniit pisariaqartitsineq naapertorlugu annertusisanik ikiorsiissutinik § 34, nr. 10 malillugu akileraaruteqaataasussaangitsutut isigineqanngitsunik pissarsisimappat, akileraarutissat tamarmiusut aningaasarsiat taakkua akileraarutitaannut naapertuuttumik annertussusilinnik appaartinneqassapput

§ 34, imm. 10) pisortanit ikiutisiat akuersissutigineqartut:

- a) pisuni ataasiakkaani naliliineq tunngavigalugu pisortanit pensionisianut tapiliussatut, matumani aamma meeqqanut tapiliussatut tunniunneqartut,
- b) ataasiartumik ikiorsiissutitut, nuunnermi ikiutisiatut, ilisinermi ikiutisiatut, angerlarsimaffimmi ikiorteqarnermut aamma angerlarluni angalanermut ikiutisiatut tunniunneqartut,
- c) ineqarnermut tapiissutitut tunniunneqartut,

- d) meeqqanut inuusuttunullu ikiorsiissutitut tunniunneqartut,
- e) inunnut annertuumik innarluuteqartunut ikiorsiissutitut tunniunneqartut,
- f) piginnaanngorsaqqinneqarnermut atatillugu ataasiartumik ikiorsiissutitut immikkut ittumik tapiissutitut tunniunneqartut

Akilerarusiineramik aalajangiisartut nalilersuineri tunngavilersuutaallu

Pisumi uani akilerarusigassatut isertitat 64.376 kr. -nik amerlassuseqarput, akileraarutigineqartussatullu 7.172 kr.-inut naatsorsorneqarput.

Isertitatut akilerarusigassanut ilanngunneqarput pisortat ikiorsiissutaattut kommunemit ikiorsiissutigineqarsimasut 17.712 kr.-it. Inatsisit malillugit utertoortissatut naatsorsuutitut 1.973 kr.-inik appaaviginnittoqarpoq. Taannaavoq akilerarusiinissamut naatsorsuusiarineqartut ilaattut pisortat ikiorsiissutaannut atatinneqarsinnaasoq.

Pisortat ikiorsiissutaasa isertitanut akilerarusigassanut ilanngunneqarnerannut pissutaavoq naatsorsuineri tunngaviusunut ilanngunneqartaramik, isertitat apeqqutaatillugit kommune isumaginninnermi ikiorsiissutitut allanik, ass. ineqarnermut tapiissutitut, tunngaviusussanik naatsorsuileraangat ilanngunneqartussaasarmata. Naak ikiorsiissutitut isertitanut akileraarutaasussanut ilaagaluartut, taakku akileraruserneqarneq ajorput. Tamanna pinngitsoortinneqartarpoq akileraarutissatut naatsorsorneqartut ilaasa naapertuuttumik annertussusilinnik appaartinnerisigut.

Akilerarusiineramik aalajangiisartut aalajangiinerat

Akileraarnermut Aqutsisoqarfiup ukiumut aningaasarsiorfiusumut 2015-imut isertitanut aamma akileraarutitut annertussusiliussa q **aalajangiuserneqassaaq.**

Inatsisit tunngavineqartut: Aningaasarsianit akileraarutitut pillugit Inatsisartut Inatsisaanni nr. 12, 2. november 2006-imeersumi §§-it 34, nr. 10 aamma 72.